



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. I. Prophetia de lapsu Babylonis.

urn:nbn:de:hbz:466:1-39100

§. I.

Prophetia de lapsu Babylonis.

Descen-
sus An-
geli.

1. POST HÆC, id est, post-
quam implisset illa Civitas
mensuram scelerum suorum:
VIDI, inquit, ALIUM ab his septem,
Angelum, DESCENDENTEM DE
COELO: qui repræsentabat POTE-
STATEM ipsius DEI MAGNAM,
tum ad ulciscendam se de hac Civita-
te dammandâ, tum ad illuminandum
populum suum ut ex illa exeat & glo-
riam annuntiandum. Ferè sicut Gen.
18. dictum fuit de Angelo descendente
contra Civitatem Sodomam: qui
cum repræsentaret personam Domini,
ajebat v. 20. & 21. *Clamor Sodomorum*
& *Gomorrha multiplicatus est, & pecca-
tum eorum aggravatum est nimis: de-
scendam & videbo, &c.* Cui pro fine
erat tum ut Sodoma deleretur, tum ut
Lot cum suis salvaretur.

Clamor
contra
Civita-
tem.

Igitur noster ille Angelus velut cla-
mori hujus alterius Sodomæ reddit
reciprocum *clamorem fortem*; CECI-
DIT, CECIDIT: qua eadē for-
mulâ usus est Isaías cap. 21. v. 9. *Ceci-
dit, cecidit Babylon:* verbis præteritis,
quod commune est Prophetis sic even-
tura cernentibus ac si jam viderent e-
venisse: mox enim annexit hic verba
futuri temporis, v. 8. & seqq. VENI-
ENT PLAGÆ EJUS &c.

2. Bis dicitur, *Cecidit:* quia, ut ex-
pliatur v. 6. recipiet duplia: & sua
quæ patravit, & aliena ad quæ seduxit.

ET FACTA EST, inquit, HABI-
TATIO DÆMONIORUM, pro-
pter superstitionem quam luet; ET
CUSTODIA OMNIS SPIRITUS
IMMUNDI, propter vitia polyga-
mia atque impudicitæ; ET OM-
NIS VOLUCRIS IMMUNDÆ
ET ODIBILIS; propter superbiam
& rapinas execrables. Vah! cujus ma-
litiae propinatae, simul & vini IRÆ
DEI (eadem phrasí qua Apoc. 14. v. 8.
& in psal. 77. dicitur Deus v. 65. tan-
quam potens crapulatus à vino, id est
quasi ebrios & nimium satur scelerum
perpetratorum) consortes effectæ sunt
GENTES, REGES TERRÆ, ET
MERCATORES TERRENO-
RUM DE VIRTUTE DELI-
CIARUM EJUS DIVITES FA-
CTI.

Hæc de Cœlo Vox Angeli & cla-
mor præfigitus damnationis.

3. *Alia* verò multò, & benigna *Vox*, Vox: es-
etiam DE COELO, salutifera pro ite.
illuminandis electis & educendis; EX-
ITE DE ILLA POPULUS ME-
US: UT NE PARTICIPES SI-
TIS sicut DELICTORUM EJUS,
sic vindictæ. Verba sunt Propheta-
rum: Isa. 52. v. 1. *Exite de medio eius.*
& Jer. 50. v. 8. *recedite de medio Babyloni-*
s: & cap. 51. v. 6. fugite de medio Ba-
bylonis, & salvete unusquisque animam
suam. Quæ in Apocalypsi dicuntur
hoc

hoc sensu: Vos qui de populo meo vultis esse, eripite vos maturè de cōhabitatione ejus, de conversatione, de contagione, de communione vel infidelitatis ejus vel schismatis in regione illa. QUONIAM, inquit, PERVENERUNT PECCATA EJUS USQUE AD COELUM, coram quo clamor invaluit peccatorum: ET RECORDATUS EST DOMINUS INIQUITATUM EJUS quas dissimulaverat dum velut oblitus.

Reddite illi:

Duplicia.

Quin immò vos REDDITE ILLI: prævidete cur ego affligam: dum enim vestro nomine & causâ ego reddam, vos censebimini reddere. Nolite, ait Jeremias l. c. tacere iniqüitatem ejus. Dicite recta esse Judicia DEI, pro eo quod & ipsa scelesta fuit apostatrix, & vos conata est aut pellicere aut opprimere: DUPLICATE illi DUPLICIA SECUNDUM OPERA EJUS; sua, & aliena, quorum rea est. Comprobate Justitiam DEI & pœnam duplēcēm; cūm hujus temporis, tūm æternam. Quoniam, ut pergit Jeremias l. c. tempus ultionis est Domino; vicissitu-

dinem ipse retribuet ei. IN POCULO, inquit Apocalypsis, QUO MISCUIT, MISCETE ILLI DUPLOM. Hæc est enim vicissitudo: quod illud ejus poculū aureū in manu sua (cap. præcedente v. 4.) illud splendoris ac pretii Imperialis, illa speciosa illecebra, ut vocat hoc poculum S. Ambrosius (lib. de Elia cap. 15.) fiat in manu DEI poculum fletus ac luctus, ipsi & complicitibus ejus: cum mensura æquali tormenti & doloris ad id quo GLORIFICAVIT SE ET INDÉLICHS FUIT; ipsi & gentibus quas potavit propinatrix. sic enim, de hujus poculi ac mensuræ vice reddendâ loquitur Jeremias, in figura quæ præcessit devastatæ Babylonis olim per Cyrum & Persas, DEO vindice tyrannidis in captivos: Calix, ait cap. 51. v. 7. aureus Babylon in manu Domini, inebrians omnem terram; de vino ejus biberunt gentes, & ideo commotæ sunt: vel, ut habet codex Arabicus, biberunt omnes populi, & Babylonizati sunt, id est, in eandem confusionem mutati.

§. II.

Planctus super eam terrestrium.

Nescit se i. Miseram, quæ IN CORDE viduam! SEDEO REGINA! imensa præsentibus delitiis & gloriabunda Sede & Imperio Bestiæ: ET, oblita Sedis atque Imperii antiqui, dicit, VI-DUA NON SUM: quasi verò non

Pars II.

fit notoriè vidua Christo, quem defecuit, suo quondam Sponso, cui jura verat, & quem amplexa erat inde à primâ sui amplificatione, & sceptro & nomine acceptis per Constantimum Magnum in tanto splendore & tam diuturno, translatis ad infideles ac de-

L nique

